

INUIT ATAQATIGIIT INATSISARTUNI



UKA2021/067 & 068 & 069 & 070

14. Oktober 2021

Hans Aronsen

Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik kaffinnut akitsuutit eqqartorneqartoq § 1, nr. 11 atorunnaarsillugu.

(Inatsisartunut ilaasortaq Jens-Frederik Nielsen, Demokraatit)

Uunga siunnersuut: Inatsisartunut isummerfigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992- imeersup allangortinneqarnissaanik, taamaasillutik tiinut akitsuut eqqartorneqartoq § 1, nr. 11 atorunnaarsillugu.

(Inatsisartunut ilaasortaq Jens-Frederik Nielsen, Demokraatit)

Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaat nr. 19 30. oktober 1992-imeersup allangortinneqarnissaanik, taamaasillutik neqinut akitsuutit eqqartorneqartoq § 1, nr. 13-17 atorunnaarsillugu.

(Inatsisartunut ilaasortaq Jens-Frederik Nielsen, Demokraatit)

Uunga siunnersuut: Inatsisartunut aalajangiiffigisassatut siunnersuut Naalakkersuisut peqquneqassasut siunnersuuteqaqqullugit eqqussukkanut akitsuutit pillugit inatsisartut inatsisaata allangortinneqarnissaanik, taamaasillutik sukkunut, lakridsinut

INUIT ATAQATIGIIT INATSISARTUNI



**sukkulaatinut il.il. akitsuutit atuutilersinneqartup § 1, nr. 1-2,
Inatsisartut inatsisaanni nr. 23 18. november 2019,
atorunnaarsinneqassasut.**

(Inatsisartunut ilaasortaq Jens-Frederik Nielsen, Demokraatit)

Siullermik siunnersuuteqartoq Jens Frederik Nielsen inuit atungaannut naligiinnginnerulersitsisunik akitsuutitigut eqqussisarnerni naliginnaalersimasunillu apeqqusiillutit atorunnaarsitsinissamik Imm. 67, imm. 68, imm. 69, aamma imm. 70-kkut siunnersuuteqarninnut soqutiginarluinnartumut qujavunga.

Siullermik Naalakkersuisullu aatsaaginnaq allannguutissatut siunnersuummik qaqitaannut matumunnga:

***“Naalakkersuisut akileraartarnermut akitsuusiisarnermullu
aaqqissuusseqqinnissamik pilersaarutigineqartumut ataqatigiissillugu,
nioqqutissat eqqussorneqartut akitsuutaasa allanngortinnissaannut
periarfissamik misissuinissamik peqquneqarnissaat pillugu
inatsisartuni aalajangiiffigisassatut siunnersuut.”***

tapersiinitsinnut Inuit Ataqatigiit sinnerlugit imatut oqaaseqassaanga.

Kingumut misissuingaanni inuulluarniutitut akitsuusiisarnermi tunngavilersuutini pingaarnepaatut toqqarneqartarpoq peqqinnanngitsumik inooriaaseqarneq akiorniarlugu akitsuusiineq. Taamatulli akitsuusiineq siunertagissaaraluarluni misissuilluarsimanermik tunngaveqanngikkaangamik akissaatikinnerusunut annertungaartumik eqquisarnera qularutissaanngilaq.

Naligiinnginneruleriartorneq annertusiartortoq massakkumiik unitsinniissata tungaanut aatsaat taama ataavartumik oqallisigiuarmissaa pisariaqartigilerpoq. Aaqqiissutissanullu sapiissuseqarluta ataatsimoorlutalu suleqatigiinnissarput

INUIT ATAQATIGIIT INATSISARTUNI



qilanaareqaara. Nunamimi maani inuit tamaasa sutigut tamatigut pisariaqartillugillu atorfissaqarteqaagut.

Eqqaamavarputtaa Akileraartarnermut atungarissaarnermullu ataatiimiitaliap misissuilluareerluni taamanikkut oqaatigimmagu Akitsuutit naligiinnerusumik inuttut atungaqarnissamut pitsaanngitsuusut nungutikkiartuarneqartariaqartut. Tammanna eqqaasitsiisutaavoq pitsaasoq.

Matumuunalu partiinut tamanut soqutiginantut Akileraartarnikkut aaqqissuusseqqinnissami suliaqalernissatsinnut tunngavissanut Akileraartarnermut atungarissaarnermullu ataatsimiitaliarsuup sulia qupperarneqarsinnaanerit innersuussutigerusuppara.

Ukiuni makkunani pingaartumik saanaartornerit angisuut malitsigisaannik nioqqutissanik eqqussuineq malunnartumik annertusiartorluarpoq. Tamassuma aamma takutippaa nioqqutissat nutaat ilaat nalilersorneqartariaqartut.

Nunatsinnimi imminut pilersornerulernissaq anguniakkanut pitsaasunut kaaviiaartitiffiusunullu ilaasoq aamma unammillernikkut suliaqarfiusoq takusinnaavarput. Aalisakkat panertittakkatta pitsassuusut atorluarnerniarnissaanut nunani allaniik aalisakkat panertut tikisinneqartut immaqa akitsuusernerisigut periarfissaqarluartitilersinnaasugut??

Naalackersuisooqatiigiit nutaat upernaq aprilip arfernani qinerneqartugut maajillu naanemaniik aatsaat sulillualersugut piffissaqarniarsimavugut sapinngisamik ukiormanna ukiup affaani angumerisinnaasatsinnik anguniakkanut suliaqarniassalluta. Soorunami pitsaasumik peqqissaartumillu aningaasanut inatsisissamik aallartilluarlersumik ammaarluta partiit illuatungiliuttut suleqatiginissaat neriuutigilluinnarparput.

Suliasat imaannaangitsuupput ilaatigut ukiuni arlaqartuni ukkanneqarsimangitsut sukumiisumik misissuiffigisariaqarput soorlumi

INUIT ATAQATIGIIT INATSIARTUNI



akileraartarnikkut akitsuusiisarnikkullu pilersaarutit aamma taama
aallarnisarneqartariaqalersut takusinnaagipput.

Taamatut oqaaseqarlunga Inuit Ataqatigiit sinnerlugu Jens Frederik Nielsen
qutsavigaara Sukkunut, tiinut, kaffenut, neqillu akitsuutit peerneqarnissaat
pillugit siunnersuutaasa ilannguillugit Naalakkersuisut allannguutissamik
siunnersuutaannut isummersuutissatsialattut atorneqarsinnaammata.

Ataatsimiititaliamullu susassaqartumut ingerlateqqillugu.